

夫先天一炁在太極未判已前萬物未生之始浩浩渺渺淡淡
蕩蕩無形無象無著無所寂然不動塞乎太虛之中不可以知
識不可以言傳妙哉黃雷因云混成一物本先天至道虛無理
自然若向未生前得見阿誰不是大羅仙王先生行邊兜詩云
學道修真要識真先天一炁稟吾身守則有道用則法法應虛
無只我神保一真人曰或問先天後天之說如何師曰若問先
天一也無道亦強名耳何謂之諸呪一應纔動便屬後天符圖
印訣抑亦未矣余心傳錄云先天之道本無言舉口才言屬後
天學者紛紛來見否誰人悟得未生前


道藏輯要

道法心傳

三

下昂集五
川夕

將用自巳元神圖



道是你兮還是我
不挂一絲祇自箇
千般變化被他瞞
三十年來方識破

夫自己元神卽先天一炁之體先天一炁卽自己元神之用故
神不離於炁炁不離於神神乃炁之子炁乃神之母子母相親
如磁吸鐵不可須臾離也納則爲金丹出則爲將吏故鍾真人
曰萬語千言勸後人休尋物外妄求真鑽天入地憑誰力妙用

神通須是神披雲真人云吾身動則有神仙不在勞心運想王
 侍宸云損神終日去談空不如皈息在胎中綿綿不絕道自通
 三元五老即此功我真不西亦不東常教體內生微風時人見
 一不識一一回存想一回空玉蟾真人曰意動人隨瞬息間何
 勞存想起艱難明得五行生剋理掌中雷雨契金丹劉真人云
 非法非空非色無形無相無情道本一物冷清清有甚閑名雜
 姓動則鬼神潛伏靜則天地交并視之不見聽之不聞默用須
 還相應余心傳錄云一人各有一乾坤中有巍巍一至尊統御
 萬靈三界伏不知徒爾弄精魂


道藏輯要

道法心傳

毛 下易集五
 川×文

攢

簇 五 行



精神魂魄意
 攢簇歸坤位

不用動纖毫
 自然雷雨至

圖